

曹州志卷之六

風俗志

禮儀
民事

居室
地憲

衣服

飲食

節序

傳曰千里不同風百里不同俗而况世異代變乎
揆厥所由莫不始於一人漸至流放焉今天下一
道同風其或國異政家殊俗有常憲矣曹近畿甸
承流最速然楸之風聲以化民成俗者良司牧之
責也彼玩細娛忘遠慮豈其盡然苟儀一心結而
候人季女無失其方已不啻陰雨膏之耳乃歲時
進釀養生送死猶有廢業蔑典罔卽於正者敢乎
哉夫教以維風而政必因俗則觀風問俗採之輶

曹州志

卷之六

風俗

一

軒陳於太師不可謂非轉移之一藉云志風俗

曹風上考古昔蜉蝣三章始見於詩漢地里志云昔
堯作游成陽舜漁雷澤湯止於亳武王封弟叔振鐸
於曹故其民猶有先王遺風厚重多君子好稼穡惡
衣服以致畜藏圖經云人務耕桑朴而不華有古風
趣通考云地非險固風雜數國秦漢以降政里混同
人情朴厚俗尚儒學及西晉之末傷痍徧甚自宇內
平一又如近古之風焉明史氏云曹州爲憲節所駐
控掖魯宋之間亦雄鎮也其俗大都士廉而朴不習
進趨民質而情不善蓋藏農居六七賈居一二喪禮

尚儉宴會從減一切儀禮無過費也歷徵往牒曹之風俗亦云美矣卽証於近今矜廉隅恥干謁馴謹易治賦稅早完男子專務耕織不事商賈女子治絲枲纂組無情其醇朴大畧不異古風乃邇來間亦習尚奢靡互興訐訟漸入澆漓還淳復古所望於賢士大救其敝而砥柱焉

禮儀

在明隆萬前猶延賓行三加之禮以後絕迹矣婚頗不論財然亦不較別門族問名後皆有宴會與者以物贈之名曰拜筵親迎日諸姻內眷皆具筵

曹州志

卷之六

風俗

二

三餽盡三口女家以鼓樂迎壻至家親友競以盒酒賀至晚復以鼓樂送壻親友陪至壻家宴飲極歡罷謂之餽壻喪禮士大夫舊不用浮屠邇來競崇事相沿以成風矣宅兆叙昭穆不輕別徙倫序旣兼得古人敦睦之意祭期多用俗節不依四時分令序且恒遺祠堂設墓所雖士大夫家不知易也生體魄而致死神霸非先儒所謂不仁不智者歟

居室

塗茅蓋者十之七甍椳瓦覆者十之三大率有宇河地震及霖雨連旬則傾圮立見卽富

用磚石終不若川棟之久且制也

衣服

用木綿鮮麻桌從土宜也或染或素男子婦人恒雜用之雖富貴家亦然雅稱古朴邇來負販輿卒之子一旦獲多金據厚藏輒服錦戴貂揚揚誇耀市井問絕不知其蕩檢越分蓋服妖也自近奉 定例惡俗稍變矣

飲食

無論貧富朝饗夕殮皆尚麥貴稻釀黍及高粱爲酒有黃白二品雞豚羊畜以斤計價水族甚少海味尤罕牛有禁不宰食雖巨室世宦日用弗尚奢侈惟邇來宴會漸以多品大器相誇詡細民效之至有典賣稱貸以備一筵之費者近得士大夫立八簋約稍挽浮習亦與奢寧儉之意也

節序

元旦皆於院落結棚插竹陳酒脯供神門帖畫像祀竈於竈陘設紙像祭之祀祖先於祠堂無神主者亦設紙像致祭家人長幼悉盛衣冠以次序拜如禮進椒酒爲尊長壽謁神祠親友往來交賀謂之拜年是日市肆不張工商罷業具酒食徵逐無虛日至元宵

先二日於通衢架木爲柵懸燈結彩競爲豐登兆屆期男子三五結伴遊散竟日謂之禿百病抵暮燈張具筵慶賞婦女間有出遊者春社日集鎮村塾凡有祠宇皆作戲賽禱秋社亦如之清明男女老少悉戴柳枝祭掃先墓增新土墓上男子遊飲郊外謂之踏青五月五日插艾於戶食角黍飲菖蒲酒婦人剪繭虎製絨符爲飾小兒帶長命縷六月六日晒衣物書籍七月望日薦麻穀或挿於戶八月望日作月餅相餽遺飛觴玩月九月九日登高飲菊酒佩茱萸禳災十月朔日祭掃先墓如清明日剪紙爲冥衣焚化謂

曹州志

卷之六

風俗

四

之送寒衣冬至交拜畧如元旦儀十二月八日作粥雜棗栗於中食之名臘八粥二十四日掃宇舍祀竈俗謂辭竈除日洒掃室堂易桃符嫁娶無忌家人長幼擁爐序坐宴飲爆竹達旦謂之守歲

民事

曹土浮薄民問農務不勤糞力視江浙僅六之一視濟兗亦僅三之一種植五穀各隨地利順天時高宜黍稷下宜稻菽沙宜木棉餘種九地皆宜穀雨後種粟梁黍稷至秋收刈稻芝麻間有之種刈亦同清明後種木棉三秋續收初伏種菽末伏種蕎俱秋杪收

子種於初秋來夏四月刈二麥種於仲秋小麥居多先大麥佈種歷冬至來夏五月收刈大麥成熟在小麥前通計小麥居十之六七餘穀居十之三四或俟收麥後就其地種之農隙小民亟茅索乘屋以治居室之事但不習擔負卽千鈞之重至一里之遠皆用驢騾或以小車載之

地憲

小民輕生好鬪酗酒 色博奕相誘以致貲產蕩析轉面爲盜蓋無藉 爲之倡也鄉愚不知禮法一不 不量輕重 之 宜有競毫末財利者有逞

曹州志

卷之六

風俗

五

一時小忿者有自 人主峻者 者一等奸險棍徒專用刁 人爭 彼從中射利起 任情嚇哄在口惟恐訟不久家不破者實良民之大蠹也雖屢經懲治亦不知警

論曰賈生有言移風易俗使天下回心而向道非俗吏之所能爲也由繹斯旨亦謂刀筆筐篋大體不存焉耳彼文翁化蜀比於齊魯何風之從歟况曹之接壤齊魯哉夫酒醪靡穀鮮克由禮習奢尚競日將浸溢俾民作慝謂非守令之責耶今欲教化行而習俗美端賴於上之先之乎躬膺民社宣

化茲土唐虞商周之流風遺韻猶有存者於以崇
禮讓勵廉恥仁漸義摩去習染之污返厚重之舊
庶幾乎比戶 封將勒爲風俗良書焉